



Na osnovu čl. 64. stav (1) i 70. Zakona o javnim nabavkama („Službeni glasnik BiH“, br. 39/14 i 59/22) i člana 10. Pravilnika o javnim nabavkama (08-02-2-1826-1/2019 od 14.05.2019. godine), na preporuku Komisije za javne nabavke od 31.01.2024. godine, direktor Sekretarijata Visokog sudskog i tužilačkog vijeća Bosne i Hercegovine, donosi

ODLUKU **o izboru najpovoljnijeg ponuđača**

Član 1.

(Predmet odluke)

Ugovor o nabavci usluga, LOT 1 - Pristup internetu za potrebe primarnog data centra Visokog sudskog i tužilačkog vijeća Bosne i Hercegovine u Sarajevu, dodjeljuje se ponuđaču **Telemach BH d.o.o. Sarajevo** za ponuđenu ukupnu vrijednost 10.155,00 KM bez PDV-a.

Član 2.

(Kriterij za dodjelu ugovora)

(1) Ponuda ponuđača iz člana 1. ove odluke zadovoljava sve uslove utvrđene u predmetnom konkurentskom zahtjevu.

(2) Ponuđaču iz člana 1. ove odluke, ugovor će biti dodijeljen u skladu sa elementima Ponude, te uslovima i kriterijima utvrđenim u obavještenju o nabavci i konkurentskom zahtjevu.

Član 3.

(Obaveze ponuđača)

Ukoliko izabrani ponuđač nije dostavio dokaze o ispunjavanju kvalifikacijskih uslova prije prijema ove odluke, isti ih je dužan dostaviti na način i u roku navedenim u konkurentskom zahtjevu.

O b r a z l o ž e n j e

Postupak javne nabavke proveden je putem konkurentskog zahtjeva za dostavu ponuda. Obavještenje o nabavci objavljeno je na web portalu: <https://www.ejn.gov.ba/>, broj obavještenja: 172-7-2-13-3-25/24 od 10.01.2024. godine. Primljene su ponude ponuđača: BH Telecom d.d. Sarajevo, Telemach BH d.o.o. Sarajevo i LOGOSOFT d.o.o. Sarajevo.

Komisija za nabavke imenovana Rješenjem broj 05-16-4-4346-1/23 od 26.12.2023. godine, izvršila je pregled i ocjenu ponuda (Zapisnik o pregledu i ocjeni ponuda i izvještaj o radu Komisije, broj: 05-16-4-160-20/24 od 01.02.2024. godine (u daljem tekstu: Zapisnik) je u prilogu ove odluke).

Ponude ponuđača BH Telecom d.d. Sarajevo, Telemach BH d.o.o. Sarajevo i LOGOSOFT d.o.o. Sarajevo su ocijenjene kao prihvatljive, budući da su u skladu sa uslovima iz konkurentskog zahtjeva broj: 05-16-4-160-2/24 od 10.01.2024. godine (u daljem tekstu: Zahtjev).

U predmetnom postupku zakazana je e-aukcija, u skladu sa Pravilnikom o uslovima korištenja e-aukcije (“Sl. glasnik BiH”, broj 80/23). Ponuđači BH Telecom d.d. Sarajevo, Telemach BH d.o.o. Sarajevo i LOGOSOFT d.o.o. Sarajevo su kvalifikovani učesnici u postupku e-aukcije.

Nakon provedenog postupka e-aukcije prvorangirani ponuđač je Telemach BH d.o.o. Sarajevo čija ponuda zadovoljava sve uslove iz Zahtjeva i u okviru je budžeta planiranog za predmetnu nabavku. Izvještaj o provedenoj e-aukciji, broj 05-16-4-160-19/24 od 31.01.2024. godine, je u prilogu Zapisnika i sastavni je dio istog.

Komisija je uputila preporuku direktoru Sekretarijata Visokog sudskog i tužilačkog vijeća Bosne i Hercegovine za izbor najpovoljnijeg ponuđača **Telemach BH d.o.o. Sarajevo**.


Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Uredu za razmatranje žalbi Bosne i Hercegovine putem Visokog sudskog i tužilačkog vijeća Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od pet dana od dana prijema ove odluke.

Broj: 05-16-4-160-22/24

Datum: 01.02.2024. godine

MP
Direktor Sekretarijata
Admir Suljagić

Dostavljeno:

- Ponuđačima,
- Odjelu za finansije i računovodstvo,
- a/a.